



UKA2018/38

7/11-2018

Justus Hansen

**Inuit inigisaminiit anisitaasunnaarnissaat siunertaralugu Naalakkersuisut periusissiamik UPA2019-imi
saqqummiussassamik suliaqaqqullugit peqquneqarnissaat Inatsisartut aalajangiiffigisassaattut
siunnersuut**

(Inatsisartuni ilaasortaq Aqqaluaq B. Egede, Inuit Ataqatigiit)

(Siullermearneqarnera)

Siullermik pingaaruteqarpoq eqqaamassallugu, piffissaagallartillugu attartornermut akilummik akiliisarnissarput nammiq ataasiakkaarluta akisussaaffigigatsigu. Inuiaqatigiit tamanna akisussaaffigingilaat - illit uangalu akisussaaffigaarput. Taamatullu oqareerluta taava Demokraatin nassuerutigissavarput innuttaasut pisortanut akiitsui amerlavallaarujuussuarmata aamma kissaatigeqaarput ikilisinniarlugit suliniuteqartoqassasoq.

Siunnersuuteqartoq isumaqatigaarput oqarmat qularnaartariaqaripput inuit attartornermut akiliutissaminnik akiliisarnissaat akiitsutik amerlitsaalillugit taamaattoqassappat piffissami qaninnerumi anisitaasoqarsinnaammat. Taamaattumik ataani atsiortunga UKA2016-mi imaattumik siunnersuuteqarpunga:

“Naalakkersuisut attartornermut peqqussutip allannguuteqartinnissaat, ineqarnermut akiliineq bankip qaamatini ulloq kingulleq ammaffianut nuunnissaanut aalajangiiffigisassatut siunnersuut.”

Siunnersuutinnut tunngavilersuutinni ilaatigut imatut allappunga:

“Siullertigut isumaqassaaq innuttaasut ineqarnermut akiliutaat akilerneqassasoq naatsorsuutigineqarluni aningasaateqarfimmini aningasaateqassasut pissutigalugu akissarsiat pisortaniillu pisartakkat piffissaq taannarpiaq pissarsiarineqarsimassammata. Siunnersuutip matumap siunertaraa innuttaasut akiligassatigut kinguaattoortannginnissaat.

Aappaatut ilimanarerulissaq, attartortitsisartut - pisortat namminersortullu - pissaminnik piffissaq eqqorlugu tigisisalernissaat ilimanarerulissaq, tamatumalu kinguneranik tuaviaarinernut, anisitsinissanut il.il. aningaasartuutit millissapput.”

Isumaga allanngortinnikuunngilara aamma nuannaarutiginikooqaara nuannaarutigeqalugulu Inatsisartut tamangajalluinnarmik siunnersuutiga ilalernikuummassuk. Siunnersuutigali suli piviusunngortinnejarnikkunngilaq. Iluarismaarparali Naalakkersuisut unga siunnersummut akissutiminni siunnersuutigisimasara taammassuk oqarlutillu suli sulissutigineqartoq attartornermut akiliutip qaammammi aningaaseriviup ammaffiani ullumi kingullermi akilerneqartarnissaata qularnaarnejarnissaa. Isumaqtuarbunga tamatumap attartornermut akilinngitsuukkat ikilisissinnaagai taamaasillunilu anisitaasartut aamma ikilisinnejarnissaassasut.



Naalakkersuisut sukkassusaat ernummatigigaara aamma taamaattumik Naalakkersuisut apererusuppakka aningaasanut inatsisissap isumaqatigiinniutigineqarnerani oqaasertaliussaagallartumik pilersitsisoqarsinnaannginnersoq, ulloq 1. januaari 2019 qulakkeereerumallugu, attartornermut akiliutip, qaammatit tamaasa aningaaaseriviup ammaffiani ullormi kingullermi akilerneqartarnissaa. Taamatut oqaasertaliussaqarneq soorunami utaqqisaagallartumik atuutissaaq, Naalakkersuisut neriorsuinermissut nutaamik attartornermut inatsisimmik saqqummiussinissaasa tungaanut.

Qulaani taaneqartut tunngavigalugit isumaqarpugut, siunnersuummi pilersaarut taaneqartoq pisariaqanngitsoq.

Tamanna tunngavigalugu inassutigaarpus siunnersuut itigartinneqassasoq.